

1 YOHANES

Yohanes Ovoli Ɔtɔnyade

Baguma Kale a Akpa Nkpã.

¹ Bɔtsɛɛ ovoli kɔ̄i bɔamɛna mi nɛ Baguma kale a kɔ̄i kakpa nkpã, kɔ̄i kidei anɛ kayɔkayi a akũ. Bunu kale kɔ̄i, bɔmó ke mɔ anɛ, nɛ ɔnɔkɔali kame ni, bɔmó ke, ade bɔta ke mɔ awɛ lemɛ a.

² Kɔ̄i nkpã kɔ̄i nyɛ ye akũ kanya a, bɔmó ye, foesũ bɔɛ fɔletsɛ nɛ ye akũ, ade bude letsã nɛ nkpã kɔ̄i elá kawũna a, kɔ̄i edei nɛ Ɖɛga a sekẽ kɔ̄i Baguma nyɛ etsa boe malo akũ a, bɔkpa mi.

³ Letsa a kɔ̄i bɔmó, bunu a, ade de bɔabi mi malo a, ayekɔ̄i míayabumɔ boe nɛ ɔmɔa a kɔ̄i bɔkena mɔ Ɖɛga a mɔ ye Obi Yesu Kristo.

⁴ Bɔtsɛɛ ovoli kɔ̄i katsɛɛ bɔama mi, ayekɔ̄i boe kawɔlekamɔ a aakpɔla.

Baguma Nyɛ Ɔhaĩ.

⁵ Finyaa ni, ɔɛdo a kɔ̄i bunu butomɛna ye Obi sekẽ a, kɔ̄i bɔkɔa bɔade letsã nɛ ye akũ bɔkpa mi a nyɛ Baguma nyɛ ɔhaĩ, ade ɔtũ odima lɛláa ye kame a.

⁶ Foesũ nɛ bɔɛ kɔ̄i budei nɛ ɔmɔa kakɛna kamɛ mɔ ye mɔ bubuki bɔtsɛ nɛ ɔtũ kame ni, kekɔ̄ bɔama fɔvã nɛ boe kɔdzɛla kale mɔ boe fɔkɛlatsa kamɛ.

⁷ Lemɛ nɛ budei nɛ ɔhaĩ kame ndɛ ayekɔ̄i ye malo edei nɛ ɔhaĩ a kame ni, kekɔ̄ bɔakɛna ɔmɔa mɔ boe akũ akũ, ade ye Obi Yesu babɔanɛ a vɔɛ tɔkpa tidi nyɛ tidi nɛ boe akũ a.

⁸ Nte bɔle kī tɔkpa leláa boe akū ni, kake bɔake boe akū, ade ɔnɔkɔali a leláa boe kame a.

⁹ Leme nte bubinya boe tɔkpa kame bɔtsa Baguma ni, enye ɔnɔkɔalini mɔ oti kpīī kī yaakɔa boe tɔkpa ete boe, evɔle efīī adi nye adi ne boe akū.

¹⁰ Leme nte bɔle kī bɔtákena tɔkpa ni, bute Baguma fɔvā, ade ke ye kale a leme leláa boe kame a.

2

Kristo Nye Boe Obumenane.

¹ Yī babi, nlamena fɔletsa kīī katsɛle kamena mi ayekī miláakena tɔkpa. Leme nte odi kɛna tɔkpa ni, budeī odi kī yawāne boe lolɔ ne ɔlega a sɛkē. Ade ye nye Yesu Kristo kī enye oti kpīī a.

² Kristo akū Baguma tsā ekɔa boe tɔkpa ete boe. Nné boe odi tɔkpa ekɔa ete, mbom ekɔa ete batidziwa flee.

³ Nte bɔakena ne Baguma mbla a akū ni, fɔafɔ bɔmó buyi ɔsū kī bunyina ye.

⁴ Oti a kī yale kī, “Īnyina ye,” leme yaákɛna ne ye mbla a akū ni, ɔvālevā yane, ade ɔnɔkɔali a leláa ye kame a.

⁵ Leme odi nye odi kī yakɛna ne ye kale a akū ni, ade ye ɔɔɔ a kī edeī ekpa Baguma a lekɔɔla a. Ayekī bóakɛna bunyi kī bɔkɛna ɔmɔa mɔ Baguma nye kī,

⁶ Odi nye odi kī yale kī edeī ne Baguma kame ni, kɛne kī edzi nkpā nde ayekī Yesu Kristo dzi a.

Mikɛna Ne Mbla Vɔē a Akū.

7 Yĩ bakɔba kĩ maátunɔ kale, nno mbla vɔẽ ntsele mama mi, mbom mbla kɔe a kĩ bekpa mi kito ane kayɔkayi a yanɛ. Mbla kɔe a nye ɔledo a kĩ minu kɔkɔkɔe a.

8 Lemɛ mbla a kĩ ntsele finyaa mamɛna mi a nye avɔẽ, ade ɔnɔkɔali a kĩ edeĩ nɛ ye kamɛ a lemɛ nye akũ nɛ Kristo mo mi kamɛ a. Kitonɛkĩ ɔtũ a lamɛna katẽ ade ɔhaĩ mɔawɛ a lamɛna kavɔle kɔkɔe a.

9 Odi nye odi kĩ yalɛ kĩ edeĩ nɛ ɔhaĩ a kamɛ, lemɛ yakesĩ ɔwaẽ ni, ebuki edeĩ nɛ ɔtũ kamɛ keyawo finyaa.

10 Odi nye odi kĩ yawɛ ɔwaẽ kale ni, edeĩ nɛ ɔhaĩ a kamɛ, foesũ letsama leláfũ ekɛna tɔkpa.

11 Lemɛ odi nye odi kĩ yakesĩ ɔwaẽ ni, edeĩ nɛ ɔtũ kamɛ, etsẽ nɛ ɔtũ kamɛ, ade enyĩna awā kĩ yakpa, kitonɛkĩ ɔtũ a kɔ ye anɛ.

12 Mi babisẽ, mi nlamɛna ovoli kĩĩ katsɛle kama, kitonɛkĩ bekɔa mi tɔkpa bite mi nɛ Kristo sũ.

13 Mi balɛga, mi nlamɛna ovoli kĩĩ katsɛle kama, kitonɛkĩ minyi Kristo a kĩ edeĩ nkpā kito ane kayɔkayi a.

Mi bapopo, mi nlamɛna ovoli kĩĩ katsɛle kama, kitonɛkĩ minya Oti Kpa a akũ.

14 Mi babisẽ, mi nlamɛna ovoli kĩĩ katsɛle kama, kitonɛkĩ minyina ɔlɛga a.

Mi balɛga a, ntsele mma mi, kitonɛkĩ minyina Kristo a kĩ edeĩ nkpā kito ane kayɔkayi a.

Mi bapopo, ntsele mma mi, kitonɛkĩ mideĩ kɔbẽ, Baguma kale a deĩ nɛ mi kamɛ, ade minya Oti Kpa a akũ a.

15 Mitawε katinya ĩye fɔtsa a kĭ fudeĩ ne ke kame a fudima kale. Nte odi awe katinya kale ni, ɔlega a ɔɔ lɛlɛa ye kame.

16 Kitonekĭ katinya kame fɔtsa flee kĭ fɔakɔ sukena odo, ĩye fɔakɔ ane odo, mo fɔtsa a kĭ oti apia ne foe akũ a lemε, fudima tɛto ɔlega a sekẽ, mbom katinya kame futo.

17 Katinya mo ke kame fɔtsa a kĭ fɔakɔ oti odo aatẽ, lemε oti a kĭ yakena ne Baguma kawε akũ a, aadzi nkpã daa.

Midã Kadã Wĩ Ne Kristo Bakesĩne a Akũ.

18 Yĩ babi, katinya kawũna a fuã! Nde ayekĩ minu kĭ Kristo okesĩne a aaya a, finyaakĩ malo Kristo bakesĩne pii né kɔkɔε, ne foesũ bunyina kĭ katinya kawũna a fuã.

19 Ne ɔnokɔali kame ni, boe kame bati kĩĩ né bito, lemε beláa boe kame. Kitonekĩ nte boe kame bideĩ ni, kufe bibuki bideĩ ne boe kame. Lemε bedzakũ ayekĩ fɔane fowa pefee kĭ be kame odima lenyé boe ode.

20 Lemε Kristo kɔa Hũhũ Kpalewa eko ne mi akũ, ade mi flee minyi ɔnokɔali a.

21 Nné kĭ minyina ɔnokɔali a sũ mo matsɛle mi ovoli kĩĩ, mbom ayekĩ minyina ɔnokɔali a, ade minyina lemε kĭ fɔvã lɛlɛa ɔnokɔali a kame sũ.

22 Foesũ owei koũ nye ɔvãlevã a? Ade ye nye oti a kĭ yale kĭ nné Yesu nye Kristo a. Ade oti kĩĩ odu liti enye Kristo okesĩne a kĭ esĩ ɔlega a mo Obi a flee a.

23 Kitonekĩ odi nye odi kĭ esĩ Obi a ni, ɔlega a lenyé ye ode. Odi nye odi kĭ ete Obi ni, ɔlega a nye ye ode.

²⁴ Mifõ foletsa a kī minu kito kayokayi a fona ne mi towole kame. Nte mipi foletsa a kī minu a midomō akū ni, miapuli mina ne omōa kakena kame mō Obi a mō Ōlega a.

²⁵ Letsa a kī Kristo mōawe le eyi kī yaakpa boe nye nkpā kī elá kawūna a.

²⁶ Ade bati a kī bawe kī bake mi a akū foletsa nlamena katsele kama mi a.

²⁷ Leme mi kō kugua a kī Kristo tsela mi buki kudei ne mi kame, foesū fótásī kī odima abuki etsa mi fotsa. Kitonekī ye kugua katsela a atsa mi letsa nye letsa, ade fotsa a kī kōatsa a nye onokoli kī fōvā lelāa foe kame. Foesū mikena ne ye fotsa katsa a akū lokoa mina ne Kristo kame.

²⁸ Foesū finyaa, yī babi, midzi ne Kristo kame, ayekī nte eyane eta ne Luwi akū ni, bóado owole, kī konyōā leme lelāako boe ne ye ane.

²⁹ Nte minyina kī Kristo nye oti kpīi ni, kene kī mite mido kī odi nye odi kī yakena fotsa wī ni, Baguma obi yanē.

3

Baguma Babi Bōane.

¹ Midā odo a odu kī Ōlega a deī ekpa boe! Yawe boe kale paa kī bave boe Baguma babi. Onokoli fōane kī ye babi bōane leme. Letsa a sū kī katinya kame bati linyina boe nye kī betanyi Baguma.

² Yī bakoba kī maátunō kale, finyaa Baguma babi bōane. Betanye letsa a kī de bōadani bokena a betsa boe tō, leme bunyina kī nte Kristo ya ni, bóana nde ye aye, kitonekī bóamo ye nde ayekī eti ela a.

³ Odi nye odi kī edeĩ kɔnɛte kīĩ nɛ Kristo akū ni, yakpale ye akū nde ayekĩ Kristo nye oti kpalewa a.

⁴ Odi nye odi kī yakena tokpa ni, efum Baguma mbla a, kitonekĩ tokpa nye Baguma mbla kafum.

⁵ Leme minyina kī kaya Kristo ya kī yayaalo boe tokpa enamena, ade nɛ ye kame ni, tokpa tidima leláa.

⁶ Foesũ odi nye odi kī ekena omɔa mɔ Kristo ni, yaádzi kakena tokpa, leme odi nye odi kī edzi yakena tokpa ni, etámɔ tɔ ye ñye etányi tɔ ye.

⁷ Yĩ babi, mitafɔ odima leke mi! Odi nye odi kī yakena tuwĩ ni, enye oti kpĩĩ nde ayekĩ Kristo leme nye oti kpĩĩ a.

⁸ Odi nye odi kī yakena tokpa ni, Abonsam ode yanɛ, kitonekĩ Abonsam kɛna tokpa kito anɛ kayɔkayi a. Letsa a sũ kī Baguma Obi a ya nɛ katinya kame nye kī yayaawola Abonsam fɔkelatsa a flee.

⁹ Odi nye odi kī enye Baguma obi ni, yaádzi kakena tokpa, kitonekĩ Baguma kutidu a deĩ nɛ ye kame. Eláapuli edzi ekakena tokpa kitonekĩ Baguma nye ye ɔlega.

¹⁰ Ntsitsemu a kī edeĩ nɛ Baguma babi mɔ Abonsam babi kayite nye kī, odi nye odi kī yaákɛna fɔtsa nɛ osi kpĩĩ akū ñye yaáwe ɔwaɛ kale ni, enyé Baguma obi.

Miwe Akū Kale.

¹¹ ɔledo a kī minu kito anɛ kayɔkayi a nye kī kɛnɛ kī boawe akū kale.

¹² Mitana nde Kain aye kī enya oti kpa a ode, ekɔ ye mɔawe ɔwaɛ Abel a. Litsa sũ Kain kɔ ye?

Ɛko ye kitonekĩ ye moawe a ekena tokpa leme owaẽ kɔ kena fɔtsa ne osi kpĩ akũ.

¹³ Foesũ, nwaẽ ame, fɔtakena mi saa kĩ katinya kame bati akesĩ mi.

¹⁴ Boe kɔ bunyina kĩ bɔtsã wuda kame buwo ne nkpã kame, kitonekĩ boawe akũ kale. Odi nye odi kĩ yaáwe oti kale ni, ekaho ne wuda kame.

¹⁵ Odi nye odi kĩ yakesĩ owaẽ ni, owudini yane, ade minyina kĩ nkpã kĩ ela kawũna a lelãa owudini odima kame a.

¹⁶ Ade limii bóanyi ayekĩ odo la a. Kristo kɔa ye nkpã ebɔa afɔlie ne boe lolɔ, foesũ kene kĩ boe malo bɔkɔa boe nkpã bɔbɔa afɔlie ne boe bawaẽ lolɔ.

¹⁷ Nte odi deĩ akũ fɔtsa mo emó owaẽ kĩ kisĩ ye leme fɔtáko ye kɔnya kĩ yabumo owaẽ a ni, nde yaapuli ele ne ye owɔle kame kĩ yawe Baguma kale?

¹⁸ Yĩ babi, mitafɔ bɔkɔa fɔletsa mo kodzela kale pupulidza bɔwe oti kale, mbom mifɔ boe oti kawe kena ne boe fɔkelatsa mo onokɔali kame.

Bóapuli Budo Owɔle Ne Baguma Ane.

¹⁹ Fɔtsẽ fukĩ akũ bunyina kĩ bɔnye onokɔali a bade, ade bóapuli budo owɔle ne Baguma ane a.

²⁰ Nte boe tɔwɔle ko boe kɔto malo ni, bunyina kĩ Baguma bẽ boe tɔwɔle ade enyina letsa nye letsa a.

²¹ Yĩ bawaẽ kĩ maátuno kale, nte boe tɔwɔle láko boe kɔto ni, kekɔ bunyina kĩ bóado owɔle ne Baguma ane,

²² lɔkɔa bote letsa nye letsa kĩ buvia a butomena ye sekẽ, kitonekĩ boakena ne ye mbla akũ, ade boakena fɔtsa fɔawo ye ane a.

²³ Ye mbla a nye kī bote ye Obi Yesu Kristo budo, lokɔa bɔwe akū kale nde ayekī Kristo we etomena boe sekē a.

²⁴ Odi nye odi kī yakena ne Baguma mbla akū a, edeī ne Baguma kame, ade Baguma leme deī ne ye kame a. Hūhū a kī Baguma kpa boe sū ni, bunyina kī edeī ne boe kame.

4

Ɔnɔkɔali Hūhū Mɔ Fovā Hūhū.

¹ Yī bakɔba kī maátuno kale, mitate odi nye odi kī yale kī Baguma Hūhū deī ne ye kame mido, mbom miso ye midā nte hūhū a kī edeī ne ye kame a to Baguma sekē. Kitonekī fovā onukpē banyene pii ne betsē bamini ne katinya kame.

² Ade fukī míakɔa minyi nte Hūhū a to Baguma sekē a. Hūhū adi nye adi kī yale kī Yesu Kristo ya ne katinya kame nde otidziwa aye ni, eto Baguma sekē.

³ Leme hūhū adi nye adi kī yaádi Yesu akū adansie ni, etáto Baguma sekē. Ade ekī nye Kristo okesīne hūhū a kī minu kī yaaya a, ade finyaakī malo eya edeī ne katinya kame kɔkɔe.

⁴ Leme yī babi, Baguma bade miane, ade minya fovā onukpē banyene a akū, kitonekī Hūhū a kī edeī ne mí kame a bē hūhū a kī edeī ne katinya kame bati kame a.

⁵ Ayekī katinya kame bati banε sū ni, fovā onukpē banyene a ale kɔdzela ne katinya kame fɔtsa odi akū, ade katinya kame bati a atse be ɔledo a.

⁶ Leme boe kō ni, Baguma bade boane. Odi nye odi kī enyina Baguma ni, yatse boe ɔledo, leme

odi nye odi kī enyé Baguma ode ni, yaátse boe. Foesũ fukĩ b́akɔa b́omó ɔnɔkɔali Hũhũ mɔ fɔvã hũhũ.

Baguma Nye Ɔɔ.

⁷ Bakɔba kī maátunɔ kale, mifɔ bɔwe akũ kale, kitonekĩ Baguma sekẽ ɔɔ to. Odi nye odi kī yawe bati kale ni, Baguma obi yanɛ ade enyina Baguma a.

⁸ Odi nye odi kī yaáwe bati kale ni, enyina Baguma kitonekĩ Baguma nye ɔɔ.

⁹ Ayekĩ Baguma nye ye ɔɔ etsa boe nye kī edo ye Obi mɔape ne katinya kame, fɔtsẽ ye akũ ni, bɔna nkpã kī ela kawũna a.

¹⁰ Ade fukĩ kame bunyi letsa a kī liti lenye ɔɔ a. Nné ayekĩ bɔwe Baguma kale, mbom ayekĩ Baguma we boe kale, edo ye Obi kī enya oti kī yaatsã ye akũ ekɔa boe tɔkpa ete boe.

¹¹ Yĩ bakɔba kī maátunɔ kale, nte aye Baguma we boe kale kɔ ni, kefeta kī boe malo bɔawe akũ akũ kale.

¹² Odima támɔ tɔ Baguma. Leme nte bɔawe akũ akũ kale ni, kekɔ Baguma deĩ ne boe kame, ade ekɛna ye ɔɔ a ekpɔla ne boe kame a.

¹³ Bɔte budo kī budeĩ ne Baguma kame, ade ye malo edeĩ ne boe kame a, kitonekĩ ekɔa ye mɔawe Hũhũ ekpa boe.

¹⁴ B́omó fukĩ ade bude letsã ne foe akũ bɔkpa bati kī Ɔlega a do ye Obi kī eyaanya katinya kame Ɔtɛɛ.

¹⁵ Odi nye odi kī ebinya ye kame ele kī Yesu nye Baguma Obi ni, Baguma deĩ ne ye kame ade ke ye malo edeĩ ne Baguma kame a.

¹⁶ Boe mɔawɛ a bunyina ade bote Baguma ɔdo a kī edeī ekpa boe a budo a.

Baguma nyɛ ɔdo, ade odi nyɛ odi kī yawɛ bati kalɛ ni, edeī nɛ Baguma kamɛ ade Baguma lemɛ deī nɛ ye kamɛ a.

¹⁷ Ade fukī kamɛ ɔdo a aakpɔla nɛ boe kamɛ ayekī bóado ɔwɔlɛ nɛ Kadzɛ Luwi a akū, kitonekī boe nkpā kadzi kamɛ nɛ katinya kī kamɛ ketimɔ Kristo ade a.

¹⁸ Libe lɛláa ɔdo kamɛ, mbom ɔdo a kī ekpɔla a, ablɔmena libe nɛ bati kamɛ. Nɛ foesū odi nyɛ odi kī yavila ni, ye ɔdo tákpɔla kitonekī libe mɔ soto kavele tsɛ.

¹⁹ Bɔawɛ Baguma kalɛ kitonekī ye lenya loto ewɛ boe kalɛ.

²⁰ Ntɛ odi lɛ kī, “Mawɛ Baguma kalɛ” lemɛ yakesī ɔwaɛ ni, ɔvãlevã yanɛ. Kitonekī odi nyɛ odi kī yaáwɛ ɔwaɛ a kī yamɔ mɔ anɛ kalɛ a, lɛláapuli ewɛ Baguma kī yaámɔ mɔ anɛ a kalɛ.

²¹ Mbla a kī Kristo kpa boe nyɛ kī odi nyɛ odi kī yawɛ Baguma kalɛ ni, ewɛ ɔwaɛ lemɛ kalɛ.

5

Bɔnya Katinya Kamɛ Akū.

¹ Odi nyɛ odi kī ɛtɛ edo kī Yesu nyɛ Kristo a ni, Baguma obi yanɛ. Ade odi nyɛ odi kī yawɛ obilega kalɛ ni, yawɛ ye obi lemɛ kalɛ.

² Foesū ntɛ bɔawɛ Baguma kalɛ mɔ bɔakɛna nɛ ye mbla akū ni, kekɔ bunyina kī bɔawɛ Baguma babi lemɛ kalɛ.

³ Ntɛ bɔakɛna nɛ Baguma mbla a akū ni, fɔatsa kī bɔawɛ ye kalɛ. Baguma mbla akū kakɛna lɛlá ɔsī ekpa boe,

⁴ kitonekĩ odi nye odi kĩ enye Baguma obi anya katinya kame akũ. Letsa a kĩ bokoa bonya katinya akũ nye boe katekado.

⁵ Owei aapuli enya katinya akũ keba oti a kĩ ete edo kĩ Yesu nye Baguma Obi a?

Adansie Kadi Ne Yesu Kristo Akũ.

⁶ Yesu Kristo nye oti kĩ etsã mui mo baboane kame eya ne katinya kame. Etáya ne mui odi kame mbom eya ne mui mo baboane kame. Ade Baguma Hũhũ a moawe adi adansie kĩ onokwali foane, kitonekĩ Hũhũ a nye onokwali a.

⁷ Adansifo elale deĩ.

⁸ Ade be nye Hũhũ a, mui a mo baboane a. Be elale a flee ale onukpẽ moa.

⁹ Bote otidziwa adansie kadi a budo, lemẽ Baguma adansie kadi a deĩ kobẽ kebẽ, kitonekĩ ye lidi adansie ne ye Obi akũ.

¹⁰ Foesũ odi nye odi kĩ ete Baguma Obi a edo ni, adansie kadi kũ deĩ ne ye owole kame. Lemẽ odi nye odi kĩ etáte Baguma edo ni, efõ Baguma dani ovãlevã, kitonekĩ etáte adansie a kĩ Baguma di ne ye Obi akũ a edo.

¹¹ Adansie kadi a nye kĩ, Baguma kpa boe nkpã kĩ elá kawũna a, ade nkpã kũ lemẽ deĩ ne ye Obi kame a.

¹² Odi nye odi kĩ edeĩ Baguma Obi a ni, edeĩ nkpã kũ. Ade aye odi nye odi kĩ elá Obi a ni, elá nkpã kũ.

Nkpã Kĩ Elá Kawũna.

¹³ Ntsele ovoli kũ mama mi a kĩ mite Baguma Obi a mido, ayekĩ míanyi kĩ mideĩ nkpã kĩ ela kawũna a.

14 Budeĩ ɔwɔle kado ne Baguma ane kitonekĩ nte buvia ye letsa nye letsa ne ye kawɛ onukpẽ ni, yatse boe.

15 Nte bunyina kĩ yatse letsa nye letsa a kĩ boavia ye ni, kekɔ bunyina lɛmɛ kĩ letsa nye letsa kĩ boavia ni, boate katomena ye sekẽ.

16 Nte odi mo ɔwaẽ kĩ yakena tokpa kĩ teláakpã ye tenamena wuda kame ni, kene kĩ yaboa mpae ekpa Baguma lokoa yaakpa ye nkpã. Bati a kĩ bakena tokpa a kĩ taávele wuda kayamena a foletsa male. Leme tokpa tidi deĩ kĩ takpã oti kanamena wuda kame, nlámena kale kĩ miboa mpae mikpa Baguma ne te akũ.

17 Lekenana kpa lidi nye lidi nye tokpa, leme tokpa tidi deĩ kĩ taánamena oti wuda kame.

18 Bunyina kĩ odi nye odi kĩ enye Baguma obi ládzi kakena tokpa, kitonekĩ Baguma Ōbi a adãmena ye akũ, ade Okesĩne a leláapuli ekena ye ablo adima a.

19 Bunyina kĩ Baguma bade boane, ade katinya kame flee lɛmɛ deĩ ne Okesĩne a kobẽ kayo.

20 Bunyina kĩ Baguma Ōbi a ya, ade ekpa boe foletsa kayokanu ayekĩ bóanyi Baguma a kĩ enye ɔnokɔali a. Budzi nkpã ne ɔnokɔali Baguma a kame, budzi nkpã ne Ōbi Yesu Kristo lɛmɛ kame. Ade ye nye ɔnokɔali Baguma mo nkpã kĩ elá kawũna a.

21 Yĩ babi, mivele mi akũ ne baviɔ ɔwẽ.

Tuwuli

Tuwuli: Baguma Apam Vɔɔ a Tuwuli New Testament

copyright © 2008 Wycliffe Bible Translators, Inc.

Language: Tuwuli

Contributor: Wycliffe Bible Translators, Inc.

All rights reserved.

2025-04-29

PDF generated using Haiola and XeLaTeX on 28 Apr 2025 from source files dated 29 Apr 2025

68df0193-2981-5275-8994-8f743fe01e5e